

Parlamentario Edison Briesen reaccionando riba caso Bushiri:

Despues cu Minister Otmar Oduber a desbarata proceso anterior, e ta haci ‘mescos’ cu Bushiri

Usando Barrons Investment cu ‘tampoco’ a cumpli



Parlamentario Edison Briesen

ORANJESTAD — Parlamentario Edison Briesen a keda hopi sorprendi y babuca di tuma nota siman pasa di e caso di beslaglegging di Bushiri Hotel ora cu e la tende e declaracionnan haci den corte. Specificamente ora cu e ta tende abogado di gobierno bisa cu na januari 2010 e inversionistanan di Barron Investment a muestra interes pa cumpra Bushiri Hotel. Y ta na maart nan lo a cumpli cu e rekisito necesario y cu tabata cla pa firma pa e proyecto.

Segun Briesen, ta menciona cu ta Barron Investment lo a pidi gobierno pa pidi hotel. E ta haya straño cu den e destaho publico di 5 aña pasa, cu a cuestiona e aanbesteding, y cu e carta cu a manda Barron Investment e tempo ei, 11 grupo a solicita. Di e gruponan aki, Fresnos Melia a gana e bid. A manda un carta pa

Barron Investment e tempo ei unda cu e compania a participa den un destaho publico, y cu e no a logra haya esaki. E rason cu nan no a cumpli cu e condicionnan di e destaho ta pasobra no por a pone e 20% di e performance bond, y un cantidad di otro rekisito cu nan no a cumpli cune. Y dos di e rekisito, manera e placa nan lo no tabatin.

Briesen a recorda cu a bisa e gruponan ei cu e inversionistanan mester tin un operador di por lo menos 4 strea. Nan a bisa cu nan tabatin uno di 5 strea pero no a bisa ken esaki tabata. Algo cu a keda secreto tur e tempo ei y cu segun Briesen no ta posibel. E tempo ei a dicidi cu ta pasa e tereno y hotel pa grupo Fresnos/Melia. Aworaki diripiente e abogado di gobierno ta bisa cu Barrons a bin serca gobierno y a bisa cu nan tabatin un bon plan pa

desaroya Bushiri. Ta resulta cu gobierno ta bisa tambe cu nan a dicidi cu nan ta sigui e destaho publico, cu a sosode e tempo ei.

Pero segun Briesen, ta netamente e minister actual a desbarata henter e destaho publico e tempo ei, bisando cu ta un onder onsje. Y cu esei nan no ta acepta. Y ta net aworaki nan ta bin haci mescos awor. Pues diripiente e ta bon si, segun Briesen a laga sa.

Briesen ta muestra cu diripiente Juan David cu

tempo aya como presidente di ATIA a cuestiona e asunto di Bushiri, awor no ta cuestiona colega di partido Otmar Oduber, cu ta ken a nombra e comision chikito den corte. Segun Briesen, ningun hende no sa ken ta forma parti di e grupo aki. Briesen ta muestra cu si Juan David Yrausquin ta consistente den su maneho, ni minister ni gobierno no por nombra un comision pa e asunto di Bushiri. Pero den corte, si ta posibel pa nombra un comision asina.

Segun Briesen, e asunto mas

lamentable ta cu e destaho publico aki ta 5 aña pasa a tuma lugar. “Si abo mes a cuestiona e proceso aki cu e no ta corecto, con bin bo ta cuestiona esaki. Bo ta tilda e gobierno anterior cu ta corrupto, y awor bo ta selecciona uno cu no a cumpli” Briesen a sigui bisa. Briesen ta puntra su mes con serio e gobierno aki por ta pasobra e ta bisa cu e asunto aki lo haya un rabo hopi largo. Un proceso cu Briesen kier men a hacie limpi, y aworaki no ta sosodiendo mescos.

shop, dine, play and win Xtravagant prizes!

1st Prize 2011 Suzuki Grand Vitara 2nd Prize Cruise trip for 2 3rd Prize Trip to USA for 2 4th Prize Trip to Curaçao for 2	5th Prize: \$1000 X-mas shopping Gift Certificates of Renaissance Mall or Marketplace 6th Prize: Dinner for 2 at L.G. Smith's Steak & Chop House 7th Prize: Brunch for 4 at Aquarius Restaurant Plus: Weekly chance to win Afl. 1000 Renaissance Gift Certificate
--	--

Place your coupons in the tombola at Seaport, Crystal Casino or Renaissance Mall or Marketplace.
Weekly cash raffle will take place every Friday.
The final raffle will take place during the Island Extravaganza event December 4th at 9pm!
BE THERE!

RENAISSANCE
MALL & MARKETPLACE

CRYSTAL & SEAPORT
Casino Casino

ISLAND
XTRA
VAGANZA

Renaissance Mall & Marketplace | Crystal & Seaport Casinos | Oranjestad | For info call 583-6000